

VOLKSWAGEN. Sindikatuek Landabengo zuzendaritzak negoziatorako borondate «gutxi» duela salatu dute. Harremanetan «presioa areagotu» nahi izatea leporatu diote.

Volkswagenek 590 langile kaleratzeko espedientea aurkeztu du Lan Sailean

Sindikatuek hilabeteko epea dute zuzendaritzaren plana onartu edo ez erabakitzeko

Irene Arrizurieta | IRUÑEA

Volkswageneko zuzendaritzak, lan batzordearekin bildu ondotik, 590 langile kaleratzeko espedientea aurkeztu zuen atzo Nafarroako Lan Sailean. Orain, sindikatuekin harremanak izateko hilabeteko epea zabaltzen da. Behin denbora hori akituta, beste hamabost egun ditu Gobernuak erabakia hartzeko.

Volkswagenek egun lantegian dituen 4.763 langileetatik 590 kaleratzeko erregulazioko espedientea ireki du. Kaleratze horietan leudeke hurrengo bi urteetarako aurreikusten diren 190 erretiro aurreratuak. Beraz, beste 400 langile kanporatzeko asmoa du multinazionalak.

Horrek esan nahi du, auto salmenta jaitsierak argudiatuz, hasieran aipatu 500 langileak baino gehiago daudela soberan multinazionalarentzat. Orain beste 90 gehitu ditu zerrendara eta.

Jose Zubillaga Volkswageneko komunikazio arduradunak atzo berretsi zuen espedientea Lan Saitetik kenduko dela akordioa lortzen denean. Sindikatuek hitz egiteko eta proposamena aztertzeke denbora gehiago eskatu izana «ulergarria» dela zioen arren, multinazionalak kaleratzeak onartu izana argudiatu zuen.

«Badago denbora akordioa lortzeko, baina bitartean neurria hartu egin dugu», azaldu zuen. Zuzendaritzak ez duela «inor kaleratu nahi» azpimarratu zuen.

Horrenbestez, lan batzordea osatzen duten UGT, CCOO, ELA, LAB, CGT eta CC sindika-



JAGOBA MANTEROLA / ARGAZKI PRESS

Sindikatuek negoziatorako borondate gutxi izatea leporatu diote Volkswageneko zuzendaritzari.

tuek hilabete dute zuzendaritzak proposatu dien malgutasuna onartu eta kaleratzeak ekiditeko.

Negoziatorako borondatea zalantzan

Zuzendaritzarekin bildu ondoren, lan batzordeak idatzi bateratua kaleratu zuen. Volkswagenen negoziatorako borondatea «zalantzan» jarri zuten sindikatuek. Jakin badakite kaleratzeak ez direla heldu den urtera arte gauzatuko, eta akordioa lortzen bada, ez da kanporatzerik izanen. Hala ere, langileen

ordezkaritzak negoziazioetan «presioa gehitzea» leporatu zion enpresari. «Zuzendaritzaren jarrerak negoziazioetan lan batzordearentzako eta langileentzako presioa gehitzea dakar», gaitzetsi zuten.

Sindikatuek malgutasuna aztertzeke eskatutako denbora gehiagori zuzendaritzak ezetz erantzun izana ere kritikatu zuten. Lan batzordea aztertzen ari diren zirriborroaren azken idatzia hilaren 11n, astelehena, helarazi zuten zuzendaritzak.

Lan batzordea datorren astean bilduko da proposatu zaien

malgutasunari erantzun bateratua aurkitzeko. Behin zerbait hitzartuta, batzarrean langileei jakinaraziko diote, eta ondoren, zuzendaritzari.

Volkswageneko zuzendaritzak esana du 2003. urtea ezarri dioten produkzio kopuruari egokitzen zaion langile kopuruarekin hasi nahi duela. Heldu den urterako duen auto produkzioa 244.000koa da, eta 2004-2007 laurtekorako 230.000 autokoa. Era berean, malgutasunaren inguruan akordioa lortu nahi du merkatuaren gorabeheri ziurtasunez erantzuteko.

FISKALITATEA

Madril-ek atzera bota du Bizkaiko Ogasunaren aurka jarritako helegitea

Erredakzioa | BILBO

Espainiako Ogasun Ministerioak Bizkaiko arau fiskal baten kontra jarritako helegitea atzera botatzearabaki du, eta Arabako eta Gipuzkoako Ogasunen aurka lege neurriak ez duela hartuko jakinarazi du.

Iragan astean EAEko Ogasunetako ordezkariak eta Espainiakoek egindako bileraren ostean hartu ei zuten erabakia, Madrilgo iturrien arabera. Bilera hartan Arabako, Bizkaiko eta Gipuzkoako Foru Aldundietako ordezkariak azaldu zuten Kontzertu Ekonomikoak eta legeak dioena bete dutela, eta horrenbestez, atzera botatzeko helegitea.

Bilera hartan izandako teknikariak ez zioten erantzunik eman orduan euskal ordezkariari, baina helegitearekin zer egin epe laburrean erabakiko zutela jakinarazi zien.

Baikor atera ziren, ordea, Arabako, Bizkaiko eta Gipuzkoako Ogasunetako ordezkariak. «Helegitea kentzeko esperantzak» bazituztela adierazi zuten. Esperantza horiek bete egin dira, horrenbestez, eta Espainia eta Gasteizen arteko azken gatazka fiskala amaitu da.

Ika-mikari amaiera

Izan ere, ika-mika handia sortu zuen Espainiako Gobernuak helegitea ezarri zuela jakinarazi zuenean. Kontzertu Ekonomikoak jasotzen duena ez betetzea leporatu zion Madril-ek Bizkaiko Foru Aldundiari, Eusko Jaurritzaren haserrea piztuz.

Kontzertu ekonomikoa betetzen ez zuena Espainiako Ogasun Ministerioa zela erantzun zion La-kuak, eta helegitea kentzeko eskatu zion, Arabako, Bizkaiko eta Gipuzkoako ahal-ahaldun nagusiekin batera.

Donostialdea
Oarsoalde
Hernanialdea
Kostalde
Tolosaldea

zer entzuten da Gipuzkoan
105.7 FM
FREKUENTZIAN

